

付法藏因緣經卷第四

集四

後魏沙門吉迦夜共曇曜譯

阿恕伽王復有一子名曰法益顏色端正眼甚奇妙時有一鳥名拘那羅其目明淨狀似彼兒因號此子爲拘那羅長爲婢妻字真金
集四
鬘王將子至雞頭末寺上座耶舍知當失眼而告之曰眼者無常會當摩滅不可恃怙宜勤精進求勝解脫時拘那羅受教還宮觀察斯眼苦空敗壞王夫人名帝失羅又於拘那羅極生愛著欲火熾盛逼共交通王子爲性素自貞潔立志堅固而不從命帝失羅又甚懷瞋恚時拘那羅治在得叉尸羅城內彼大夫人常伺其便會遇王病甚大困篤夫人療治尋即治差求願七日代居王位既蒙聽許便欲報怨密爲封書令挑其眼王子奉教

求一惡人令出右眼置掌而觀便念耶舍本所勸誠而作是言實哉尊教誠諦不虛說眼無常猶如幻化昔謂斯眼奇特微妙今日深觀何可愛著我當捨此危朽之法專求最勝清淨慧眼作是觀時得須陀洹更出一眼重深思察狀惡情至逮斯陀含其妻金鬘聞夫挑眼號哭雨淚驚泣而來見已悶絕良久乃蘇時拘那羅偈曉之曰

昔吾爲惡業 今日自還受 一切世界苦

恩愛會離別 汝當諦思惟 何應大啼哭

城中人民驅其夫妻令出遠外展轉周遊向華氏城彈琴求哀乞匁自活遂至王宮在象廄內鼓琴清歌自宣苦事王聞樂音髡髮欲識遣人往看是拘那羅即召令入王見子已悶絕躰地舉聲號咷身體戰慄問拘那羅言

誰毀汝眼急可語我當治其罪拘那羅言父不聞耶昔日如來猶受業報如斯報者甚大勢力一切賢聖尊貴貧賤無有方便能得免脫我自宿業招斯禍酷王莫愁惱令心憔悴阿恕伽王雖聞此語猶爲憂火焚燒其心復

集四

二

語子言誰壞汝眼我當屠割磨滅其身轉相推問知帝失羅叉王即召來而語之曰何地載汝不自淪陷實我怨家外詐親近有何因緣壞吾子目我今當以刀輪劍樹斬截汝身令如塵末棄汝屍骸臭穢之處糞汁惡毒灌注汝口時拘那羅聞王此語於帝失羅叉起大悲心而白父言彼以愚癡造斯過患由此緣故今被毀辱王是智者豈應同之今若復欲加報於彼必當累劫共爲怨害如是展轉何有窮竟大王當知譬如因聲即便響應此

身如是由之有苦又此身者衆惡根本所以諸佛常念棄捨若令此法決定安樂何故智者恒生厭患由是觀之身爲苦本無量衆惡之所積聚大王且聽如世嬰兒未識義理罵辱父母無謙敬心而此父母豈於其兒起瞋恨耶一切衆生亦復如是常爲煩惱之所覆蔽愚癡無智猶如小兒云何於彼而生瞋恚王心毒盛不受其語大積薪油而焚殺之時衆疑問優波鞠多以何緣故今此王子生尊貴家而被挑目尊者告曰善聽當說昔波羅奈有一獵師向於雪山值大雹雨有五百鹿共入一窟時彼獵人欲盡殺之便作是念若都殺者則皆臭爛且挑其眼漸漸食之即時尋挑五百鹿眼由斯緣故至今受報又復久遠迦羅鳩佛滅度已後時彼國王名曰端嚴

集四

三

收佛舍利起七寶塔後更有王心無敬信壞塔取寶唯留土木舉國人民皆悉悲泣有長者子來問其意衆人答曰迦羅鳩佛寶塔毀壞由斯因緣是故啼哭長者子聞尋更修治如前嚴飾造彼佛像相好殊妙因發願曰使我來世如彼世尊得勝解脫由斯業故生尊貴家得淨妙果阿恕伽王眷屬如是皆捨重擔咸離生死王之信心深遠難量見諸沙門若長若幼皆迎問訊恭敬爲禮時有一臣名曰夜奢無信敬心邪見熾盛而作是言阿恕伽王甚無智慧自屈貴德禮拜童幼王聞是已便勅群臣各令推覓百獸之頭唯使夜奢獨求人首即受王命咸皆推覓既得之已悉來奉王王令持往詣市街賣未幾時間諸頭普售夜奢人頭都無買者經數日中將欲臭

爛白言大王此頭難售尚無欲見況有買者王問夜奢何物最貴答言大王人爲殊勝王言人若勝者何故不售夜奢答曰人生雖貴死則卑賤王言我頭同此不也夜奢惶怖俛仰而對答言王頭亦同此賤王言吾頭設卑賤者汝何怪我禮敬童稚卿若是吾真善知識宜當勸我以危脆頭易堅固首如何今者止吾爲善時臣夜奢方自悔責迴改邪心敬信三寶王後一時間優波瓈多昔佛在日誰施最多尊者答言須達長者施甚弘廣金滿百億用奉如來集四王自念曰彼尚能施爾所珍寶況我今者豈不及之便計先來所施之物凡得九十六億兩金會遇重病知命將終便自涕泣生大苦惱有臣名曰羅提瓈即是本日隨喜童子以斯福故得爲輔臣智慧淵博

善能言辭見王愁惱合掌白王言譬如盛日衆共瞻仰王之盛德亦復如是咸爲一切所共恭敬今王遇病如日將沒國土人民無不悲懼大王今當聽臣所說三界無常遷流不住雖少壯老會歸磨滅譬如石山四方俱至何有智者而能免脫世間衆生亦復如是受五陰身死山來逼假使造作百千方便種種呪術藏隱逃避未見有能得免離者是故諸佛恒說無常甚大雄猛王當深觀若斯之理宜自裁抑何應愁惱王告臣曰我不畏死慳

若紹位無所資用今應遮斷勿從其意時式摩提信受邪說以一金盤爲王送食王即迴施雞頭末寺後以瓦器半菴摩勒持與王食王召群臣而問之曰此閻浮提誰爲其主諸臣答言唯王統御答曰非也我唯於此半菴摩勒而得自在便作是言咄哉富貴甚可惡賤榮位如幻不久散滅雖居尊貴終歸墜落我爲人帝威德無倫臨終貧乏唯有半果故知世間皆爲虛誑愚人甘樂賢聖所訶即向群臣而說偈言

愛財寶正以遠離諸賢聖衆施百億金四億未滿以是因緣我故悲耳羅提瓈言庫藏甚多可施令足阿恕伽王即以七寶施雞頭末寺立拘那羅子式摩提以爲太子邪見惡臣語太子曰阿恕伽王命臨欲終散諸庫藏汝

諦哉如來教 所演誠不虛 廣宣生死過無可愛樂者 我本處尊貴 威德少倫匹小王及人民 無一不瞻仰 今日福將盡飢困自縕逼 猶如暴河流 觸山無復勢我昔濟貧乏 拯救諸苦惱 如何於今日

由處斯卑賤 始知尊貴位 易滅不堅牢
解脫寂靜樂 唯是最爲快

說是偈已即命一臣汝持此果向雞頭末寺
如我辭曰阿恕伽王禮衆僧足我唯於此半
菴摩勒而得自在一切所有皆悉亡失此果
雖勘是最後施唯願衆僧愍我貧苦而爲納
受上座耶舍告衆僧曰汝等當觀阿恕伽王
受福快樂總御天下今爲群臣所共制奪唯
於半果得自在分當知生死甚可厭患富貴
五欲不久敗壞威勢自在須臾殄滅咄哉三
有難可久居即勅典事令磨此果用置羹中
使一切僧普得其供阿恕伽王命垂欲絕問
羅提毘此閻浮提誰得自在羅提毘言唯有
王耳既聞是語即起合掌遍觀四方而作是
言唯除庫藏今以四海一切大地悉施佛僧

及自昔來所作功德不求生死轉輪帝釋願
來生處速證道果函印題封付羅提毘於是
氣絕遂便命終依轉輪王莊嚴殯葬如是尊
者優波鞠多開發王心增長其信有善方便
教化衆生無不解脫是時宿羅城中有一商
主名爲天護甚大敬信欲入大海採求珍寶
若海迴還爲僧造作般遮于瑟至海採寶安
隱還歸起意便欲設大施會有比丘尼得阿
羅漢觀察衆中誰爲福田又復思惟何者僧
首見諸羅漢及與學人斷煩惱穢堪受供養
觀一比丘名阿沙羅未得解脫最居僧首時
比丘尼即往語言大德今者應自莊嚴時此
比丘不達其意便著淨衣剃髮澡浴復於後
時此比丘尼更語阿沙羅教令嚴飾時阿沙
羅極大瞋忿我隨汝語甚自嚴潔有何醜惡

屢出斯言比丘尼曰大德當知此俗莊嚴非
佛法也佛法莊飾謂獲四果奇哉大德甚爲
輕劣長者天護欲設大會其受供者多諸賢
聖汝爲僧首未免生死以有漏心最初受供
是故我今欲相覺悟阿沙羅聞慘然悲泣自集四
惟老朽何能盡漏比丘尼言佛法無時豈少
壯老宜可往觀優波鞠多彼必相令得免諸
苦比丘即詣優波鞠多正值僧浴同現神變
阿沙羅歡喜即說偈言

和合共一處 跏趺若龍蟠 咸皆入寂定

寂然不傾動 普放淨光明 猶如百千日

雖同人形類 功德甚高遠

優波鞠多見其調順即爲說法成阿羅漢爾
時復有一優婆塞向婆羅門說言無我婆羅
門言誰爲此說答言優波鞠多常宣無我但

假和合而言我耳時婆羅門至尊者所優波
鞠多知其心念即爲宣說一切無我譬如空
山起呼聲響諦觀思惟了不可得但因五陰
和合而成誰有智者計爲其實時婆羅門即
便開悟成須陀洹度令出家得羅漢道有族
姓子詣優波鞠多出家學道常好睡眠懈怠
懶惰雖爲說法都無所獲尊者教令樹下坐
禪即於樹下尋復睡卧鞠多化作深坑千仞
比丘見已極生惶怖一心專念優波鞠多尊
者爾時化作小徑令此比丘從中而過自念
其師免吾斯難優波鞠多即語之曰此之恐
怖少不足言三界受生老病死苦常隨行人
不曾捨離地獄苦痛百千萬種如此之畏甚
過斯坑時此比丘不復眠睡精進思惟得阿
羅漢於東方國有族姓子信樂佛法出家學

道善能營事無不成辦經歷多時復生疲厭
即往尊者優波毘多所尊者觀察知此比丘
爲福未具故不得道即令爲僧遊行教化受
教入城處處求索有一長者見而問之答言
長者尊者毘多使我教化今此城中誰是篤
信長者復言比丘勿餘處去一切所須當相
奉給即爲辦具比丘得已於上座前持食長
跪一切衆僧皆爲呪願呪願已竟成阿羅漢
有一比丘性嗜飲食由此貪故不能得道優
波毘多語令就房以香乳糜而用與之語令
待冷然後可食比丘口吹糜即尋冷語尊者
言糜已冷矣尊者告言此糜雖冷汝欲火熱
應以觀水滅汝心火復以空器令吐食出既
吐食已還使食之比丘答言涎唾以合云何
可食尊者語言一切飲食與此無異汝不觀

集四

八

察妄生貪著汝今當觀食不淨想即爲說法
得羅漢道有一比丘深愛樂身愛樂身故還
欲歸家辭優波毘多路宿天廟尊者即化作
一夜又擔負死人至此天寺復有一鬼從後
而來於是二鬼共爭死屍紛紜鬭訟不能自
決其前鬼言我有證人即共問之誰死屍耶
其人惶怖便自念言我於今者定死無疑寧
以實語而取屠滅語前鬼言此是汝屍後鬼
瞋恚拔其手足前鬼即取死人補之其體平
復如本不異於是二鬼共食餘肉食肉已竟
集四
即便出去此人即便自愛心息還詣尊者出
家精勤於後不久得阿羅漢於南天竺有族
姓子出家學道愛著自身洗浴香塗好美飲
食身體肥壯不能得道往尊者所求受勝法
優波毘多觀察此人以著身故不得漏盡語

言比丘能受我教當授汝法化作大樹使令上之四邊變爲深坑千仞令放右手乃至都放此人爾時分捨身命盡放手足即便到地不見深坑及與大樹爲說法要得羅漢道有一比丘心甚慳貪以斯因緣不得道迹優波毘多教令布施答言我貧用何等施優波毘多遣二弟子坐其左右身出光明比丘歡喜減少食施後得好食便生喜悅念言少施尚得多報若多施者報不可量即破慳心爲說深法應時逮得阿羅漢果有族姓子出家學道優波毘多爲說法要尋便見諦得須陀洹作是念言我斷三結更何求進遊縱自在極至七生尊者告曰生死之法甚可惡賤猶如糞穢多少皆臭即便將至旃陀羅村見一小兒體生惡瘡蟲血雜出甚大苦惱問言比丘

見此兒不此小兒者是須陀洹佛昔在世有一羅漢身小患痒搔之有聲維那瞋曰今汝身有蛆蟲瘡耶宜可出向旃陀羅村羅漢語言今汝得罪莫出斯言時此維那即便懺悔精進修習得須陀洹後自懈怠不求上進故生此家受斯苦惱小復前行見有一人爲火所燒身體焦爛苦痛難忍轉更前進復見有人犯王憲法以身貫著大木標上發聲哀號極生苦惱爾時尊者問比丘言汝豈見此二人不耶比丘白言唯然已見尊者告曰此前人者是斯陀含後所見者阿那含也咸皆懶惰不求上進故生人中受斯楚毒是故汝今宜自精勤早求解脫比丘聞已日夜修學不久便得阿羅漢道尊者即爲真陀羅子說諸法要成阿那含命終往生淨居天上摩突羅

國有一長者生育一子年始一歲即便命終
如是次第至六長者生始一歲而復命終最
後復生一長者家厥始七歲爲賊將去優波
鞠多觀此小兒應現得道化作四兵欲捕彼
賊賊見惶怖求哀禮拜爲說法要得須陀洹
持此小兒施優波鞠多於是尊者度此童子
及與羣賊皆令出家爲說妙法得羅漢道語
此小兒今可觀察汝之親族而化度之即便
觀見七世父母憂愁涕哭憶念其子便到其
家語言長者我是汝子莫大愁惱爲宣法要
得初道果次第六家皆亦如是有族姓子信
佛出家坐禪獲得世俗四禪自謂究竟得羅
漢果優波鞠多有善方便使彼比丘往他聚
落即於中道化作賈客復現群賊凡五百人
共爲黨類來劫賈客殺害斫刺遍布在地時

集四

十一

此比丘生大恐怖即便自知非阿羅漢復作
是念我非羅漢是阿那含時彼賈客亡破之
後有長者女語是比丘唯願大德與我共去
比丘答言佛不聽我共女人行長者女言我
望大德而隨其後比丘憐愍相望而行尊者
即復化作大河女言大德可共我渡比丘在
下女處上流此女於後沒溺墮河白言大德
濟我此難爾時比丘挽而出之生細滑想起
愛欲心即便自知非阿那含於此女人極生
愛著欲共交通將至屏處方乃見是優波鞠
多生大慚愧低頭而立尊者語言汝昔自謂
是阿羅漢云何欲爲如此惡事將至僧坊教
其懺悔爲說法要得羅漢道有一比丘作不
淨觀結暫不起謂得聖道優波鞠多告言比
丘汝可彼往乾陀越國受教遊行至彼國土

於此國中有一長者名迦羅和生育一女端正殊特時此比丘即往其舍而從乞食女擎食出露齒而笑比丘見已生貪欲想由其本習不淨觀故取女齒相觀皆白骨由斯觀故得羅漢道自責本心而說偈言

外現於賢善 內實多染著 見其實相故心即得解脫

摩突羅國有長者子新娶婦已心生念言我於佛法欲求出家便辭父母父母答言我唯一子死猶不放何況生存子即白言若不放我終不食也於是斷食從初日至滿七日父母恐死即語之言當從汝願但出家後與我相見子大歡喜便辭而去詣優波鞠多求哀出家尊者即時度令入道而自念言昔與父母本有期要即辭尊者往至其家見其父

母及與本妻妻語之言若不還者當棄汝死比丘心悔便欲捨戒詣其師所云欲還家優波鞠多告曰且待明日即受師教停在寺宿尊者於夜爲之現夢使此比丘見到本家其妻是日尋便命終父母親族嚴辦葬具送其屍骸置於塚間須臾臭爛蟲蛆並出骨肉分散孤狼爭食即便驚覺往白其師師即告曰汝可往觀實如夢不乘師神力忽至其家妻時已死如夢所見思惟觀察深生厭惡即便逮得阿羅漢道憂留陀山有一老虎生於二子飢窮困極遂便命終二子失母唯至窘急優波鞠多往至其所以食與之爲說偈言諸行無常是生滅法生滅滅已寂滅爲樂日日與食爲說此偈是二虎子尋後命終生突羅國婆羅門家優波鞠多往詣其舍單已

無侶婆羅門言何爲獨行答言檀越我出家
人寡於僕從婆羅門言我婦懷妊若生男者
當相奉給後生二子顏容端正優波鞠多往
從索之婆羅門言兒皆幼稚若長大者當必
相給至年八歲復往從索即以大子而與尊

集四

十三

者小者復言可使我去諍競紛紜各欲出家
優波鞠多言此二子者皆應得道時婆羅門
俱以二子付於尊者度令出家皆得羅漢即
便使之採瞻葛華答言大師此樹高峻我不
能及尊者語言汝等是天豈無神足時二沙
彌即昇虛空採華奉獻尊者與諸弟子同立
見其神德歎未曾有鞠多語言此二沙彌前
餓虎子汝本嫌我與此虎食今日宜可觀其
神變弟子聞已生奇特想南天竺國有一男
子與他婦女交通婬泆其母即便苦切訶責

汝今當知婬欲之法多諸過患復因斯故無
惡不造未來必生苦劇難處兒即瞋恚便殺
其母往至他家求彼女人竟不獲得心生厭
悔於佛法中出家爲道不久誦習三藏通利
善於言辭多諸眷屬與其徒衆往尊者所優
波鞠多觀察彼人躬造逆罪無道果分即便
默然而不與語三藏比丘知罪深厚復見不
對還歸所止有一比丘坐禪思惟得世俗定
即使自謂得四道證復於少時一樹下坐優
波鞠多化作比丘而往其所共相問訊在一
面坐化人問言從誰出家答曰我師名優波
鞠多歎言大德善哉汝師無相好佛化人復
言比丘汝誦何經答言我誦三藏經典化人
復問汝證何道答言我得阿羅漢果以何證
果答言俗定化比丘言若以俗定以證道者

即是虛妄比丘聞已深生悔恨一心精進得阿羅漢於罽賓國有一比丘名曰善見得世俗定具五神通若無兩時能令降注起增上慢謂證聖道優波毀多即便化作十二年旱人民惶怖求哀尊者尊者告曰我不能也罽

集四

十四

賓國有善見比丘神通最勝極能請雨衆人咸往而求請之時此比丘即以神力飛空而至爲請甘雨應時降注人民歡喜大設供養得供養已便生憍慢復作是念阿羅漢者無貢高心便詣尊者求哀懺悔爲說法要得羅漢道於南天竺有一比丘少欲知足好麤弊衣身體羸劣不能得道優波毀多觀察此人應現得道由身厄弱爲辦衣服香油塗足應時逮得阿羅漢道如是化度無量衆生皆悉獲得阿羅漢果其得道者一人一籌籌長四

寸滿一石室室高六丈縱廣亦爾於是名稱滿闇浮提世皆號爲無相好佛化緣已訖便自思惟我今以法供養佛竟利安快樂同梵行者使諸四輩獲大饒益紹隆正法令不斷絕涅槃時至宜應滅度告諸大衆却後七日我當涅槃爾時即集十方羅漢及諸學人淨持戒者不可稱數諸優婆塞無量百千尊者於是飛身虛空現十八變使諸四衆生大信心於無餘涅槃而取滅度以室中籌而用耶旬十方羅漢亦入涅槃人天悲泣號哭傷感皆收舍利起塔供養

集四

十五

音釋

廸也
捕也
擒也
捉也
窮也
劇甚
也
厄也
切也

居右
象舍也

薄故也

也

巨也

號也

胡刀也

大哭也

徒聲也

刀也

承咒也

賣咒也